

樂二人皆小於囊知牙斯又它闕氏子十餘人顓渠闕

氏貴且莫車愛呼韓邪病且死欲立且莫車其母顓渠

闕氏曰匈奴亂十餘年不絕如髮賴蒙漢力故得復安

今平定未久人民創艾戰鬪師古曰創音初亮反艾讀曰艾且莫車年

少百姓未附恐復危國我與大闕氏一家共子師古曰一家言

親姊妹也共子兩人所生恩慈無別也不如立雕陶莫臯大闕氏曰且莫

車雖少大臣共持國事今舍貴立賤後世必亂師古曰舍謂棄

置也單于卒從顓渠闕氏計立雕陶莫臯約立傳國與弟

呼韓邪死雕陶莫臯立為復株叅若鞮單于師古曰復音服叅音

力追反復株叅若鞮單于立遣子右致盧兒王醯諧屠奴